

小蓬海遺詩
屑
萬卷書屋詩
存集詩



萬
卷
書
屋
詩
存

朱
榆
著

中
華
書
局

叢書集成初編

小蓬海遺詩（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之二

統一書號：一七〇一八·一五一

萬卷書屋詩存

此據滂喜齋叢書
本排印初編各叢
書僅有此本

萬卷書屋詩存

清 朱 檢 錄 生 著

讀史記三首

入關遺沛公。漢業於此剋。誰歟發此謀。懷王諸老將。一語定大計。應盡麟閣上。可惜不書名。千秋徒悵望。
淮陰下鐘室。千古皆銜哀。而我論其事。禍亦有自來。躡足王齊地。隆準心已猜。惜哉少學術。無以濟雄才。
國侯造漢成。老從赤松子。胡然張辟疆。乃謀王呂氏。家室壞纖兒。千古類如此。太尉入北軍。一時備傳耳。

題畫

一灣綠水繞平田。正是秋涼熟稻天。茅屋數椽人不到。蘆花風急白鷗眠。

冬夜書齋坐月

街柝聲聲靜不譁。空階獨立玩霜華。滿身皓魄不知冷。細數一庭梅樹花。

春日遊天平諸名勝各賦一律和吳春臺學師韻

天平山

峯峯盡笏立。奇秀壓山林。巉削疑神鬼。烟霞閱古今。閒雲自平坦。崖木助陰森。不惜扶筇上。佳游抵萬金。

白雲泉

萬卷書屋詩存

白雲流到地。盈處卽泉源。此水大功德。與人解渴煩。花香塞入沼。鑑影靜當門。清濁君休問。禪心在不言。

高義園

卻下天平山。白雲自幽勝。垂楊橫小橋。叢竹夾深徑。斯人不可作。高義但傾聽。日夕長風來。空谷若相應。

支硎山

支公昔高隱。卓錫此名山。黃鶴杳然去。白雲天際閒。清泉鳴石室。寒磬度松關。不見高人跡。荒苔點點斑。

觀音寺

古寺依巖麓。湖山佛地靈。我來味禪悅。苦檻坐繙經。枯樹瘦于鶴。老僧髮似星。游人漸歸去。靜對可忘形。

游莫愁湖

蓼花十里隔烟汀。放棹殘陽入畫屏。三面湖光圍客坐。六朝山色泥人青。楸枰一局棋空覆。梁燕雙樓夢。

易醒。兒女英雄都草草。梵鐘聲渡水心亭。

哭舍弟竹君

予生鮮弟昆。同祖弟有六。惟君最情親。相依若手足。總角同嬉遊。垂髫共入塾。朝聯問字車。夜伴短檠讀。聚首二十年。天何奪之速。君德最醇良。秉性惟敦樸。上得父母歡。下亦一家睦。岐嶷挺秀裘。英英露頭角。雕蟲雖未精。才藻異庸俗。舉業非所長。勉強就束縛。好爲有韻文。奇麗奪人目。好學西崑詩。獮祭便便腹。有時作小詞。泠泠若清曲。好觀雜俎書。搜羅富球玉。慚余媿陋胸。問君疑不蓄。亦有淹博人。片言曾折服。

一衿雖未青。此才豈碌碌。君病歷三年。時愈亦時作。醫言痛在肝。力可仗參茯。何圖一朝劇。遽爾登鬼錄。又少同懷人。何以慰我叔。伯道竟無嗣。仰視蒼天哭。遺墨我當收。子職我當續。他日有兩兒。鬪孤爲君育。此語達重泉。君勿悲短促。寒雨空堂來。陰風捲茅屋。茫茫誰與言。夜窗悲處獨。

潘仁甫花燭詞

鳳瑟鸞笙侑玉盃。剛逢璧月滿瑤臺。檀郎風格人爭羨。曾坐羊車入市來。

題程二蔭軒桐陰立月圖

梧桐小院碧雲稠。散作輕雲滿地流。涼月濕衣渾不覺。悄無人處一天秋。

輓潘大拙民

才士命不偶。往往與鬼鄰。安仁衆推許。與我交最親。君性素質直。友誼如飲醇。知己賴磨琢。一語值百緡。君志又慷慨。讀史慕指困。薪水不自給。代謀遑顧身。君文最質樸。擇言期雅馴。春華與秋實。學古惟其真。君幼得奇疾。一足苦不伸。險阻不敢履。行路愁艱辛。往歲赴白下。隨賦猶逡巡。抱才不獲獻。從此長安貧。君年至三十。結髮纔婚姻。傳聞有噩夢。早示三生因。君病遽相逼。疾苦聞吟呻。長沙善悲鬱。一朝化作塵。君婚七閱月。娶婦猶云新。蘭芽尙未茁。似續求何人。所望兩昆季。友愛明天倫。問疾與君別。屈指纔三旬。君今不可見。涕淚沾衣巾。大招亦徒作。魂魄歸洪鈞。長歌奠君酒。翹首觀蒼旻。

張白也之官山左。出江亭話別圖索題。卽以贈行。

披圖如聽話。離愁烟雨林亭一片秋。合向胥江重拓棗。斜陽又上木蘭舟。
張緒風流衆口推。如君才調更輸誰。神仙不掌鄉鄰冊。要博他年健政碑。

題春郊牧馬圖用東坡韓幹馬韻

春郊草綠襯馬蹄。春谿水漲春雲齊。老髯放馬馬成隊。不施羈控當風嘶。
五馬渡水行且驅。躡躡欲作眇馬語。波流滑笏蹴踏行。稜稜瘦骨敲銅聲。憑空躍起曹家鶴。尾從顛蹄勢如啄。
權奇倒備真游龍。龍草藪藪若有風。二十一匹皆駿馬。誰歟妙筆作此畫。得非當年曹與韓。請向黃金臺上看。

檢篋中得葉六見贈之作。已三年矣。意有所感。爲古風二首報之。

渥注有神駿。卓犖含奇姿。指顧越萬里。落落不受羈。胡爲困轅下。駿骨無人知。
螻蟻黃金臺。執策會有時。慎勿灰壯心。反受驚駘嗤。

蕤賓躍寒鐵。相感在同聲。束髮事求友。妙契根性情。君方研六籍。我亦面百城。
簡冊有古香。能令心神清。所得別深淺。氣味潛相迎。恆慮涉附和。標榜疑求名。勉哉互攻過。勿使負平生。

原詩

葉廷琯

論交我愛朱公叔。綺歲浮華早自刊。氣韻深醇時輩少。文章灑落古人難。
雲山六代從頭賞。史冊千秋放眼看。同是高堂雙白髮。微名何日博親歡。

鄒二子真索花燭詞戲贈三首

梁園才子本超羣。我欲低頭拜是人。從此筆花更奇麗。遠山秀色正含春。
青蓮家學定能詩。夫人李氏夜午須防面試時。醉倒喜筵不歸去。看君門外索新詞。
春到梅花寒意消。銅壺銀箭夜迢迢。羅帷不放天光亮。小至纔過第四朝。

靈巖懷古

一角靈巖擁翠螺。故宮樓閣盡寒沙。霜吳事業懷齊魯。絕代容華憶李蘿。荒徑更無麋鹿走。空廊畱得夕陽多。登臨不盡興亡感。千載繁華總逝波。

題一錢看囊圖爲家淡如丈

世人積錢如積水。終日涓涓常不已。先生積善如積錢。青蚨到手成飛煙。剩此一錢看囊底。未能免俗聊復爾。畫師解意繪作圖。黃金雖盡顏色喜。吾聞物無多少能累人。囊有一錢終不貧。何不懸向杖頭去。陶然逕醉梨花春。空空兩手拍且笑。笑煞世間多和蟻。

謁周忠介公讀書樓

四圍脩竹綠成陰。想見先生勁直心。能以綱常肩正學。不將聲氣附東林。危樓終古凌霄峙。萬卷當年抱膝吟。來認庵門舊題額。銀鈎鐵畫尙森森。庵門小雲樓三字。公被逮時所書。

委鬼茄花事可憐。一時薰鑪盡名賢。紛紛鍛鍊與冤獄。草草播網訂別筵。孝子血書拚一死。義民枯骨亦千年。荒祠應有忠魂託。畱得遺文賣一編。近日石梁堂師刻公文稿其本即于公詞額戲書館得之。

鳩資刊潘大拙民遺稿。校閱竣事。係以詩。

正叔才華本絕倫。如何玉樹萎荒邱。文多直氣能驚俗。詩有哀音慎寫愁。已是心肝勞一世。可堪梨棗毒千秋。知君臨沒無多屬。期我燈前細校讐。

偶檢故籍憶亡弟竹君

偶拾塵編憶惠連。夜臺忽忽去三年。最難忘是燈前讀。寒雨一窗人未眠。

額祭當年笑爾癡。白頭蒼耳未參差。而今愁我枵然腹。未熟南華更問誰。弟爲詩喜學溫李。善醫膏紀。白作工對。余有不知。輒問之。

王節婦詩

隴西淑女。儷彼君子。食貧操作。勞十指。質衣裳。典釵珥。期我良人。拾青紫。解一良人遘疾。不克瘳。呼天禱佛。

兩淚流。微軀一死。將何求。解二良人身未葬。良人況有兒。宗祧一綫。憑扶持。一孤又亡。一孤立。譬彼崖山。殉

國時。解三飲冰茹蘗三十年。精金粹玉同貞堅。巍然綽楔。賁九天。解四

崇真宮道士郭秉中。剜臂以療其師之疾。同人爲之索詩。

割股療疾古有之。載籍所傳皆孝子。豈伊妙藥逾刀圭。一點丹誠能起死。民生在三事如一。黃冠之徒。乃

有此。君不見郭道士。

和蔡鐵翁先生六十自壽詩原韻。卽以爲祝。

前輩風流久。跛子騷壇豪氣未全除。品因太潔。諧原少。文到能傳。作豈虛。不媿正人山子牘。重篋月令帳。

中書先生方嶠中郎月令。功名未達春秋永。天爲扶輪特地儲。

題天台采藥圖照

種成瑤艸綠于烟。縹緲蓬壺住列仙。倘遇乖龍休割耳。要從玉女乞眞詮。
開徧緋桃萬樹花。玲瓏樓閣五雲遮。新宮銘就煩君寫。合是前身蔡少霞。
迢迢流水隔千春。重見當年肇與辰。休說洞中佳遇祕。同來還有荷鋤人。

輓蔡鐵耕先生

纔賦先生介壽詩。傷心又是大招時。空山香艸人千古。淪雪調冰筆一枝。骨肉無緣悲早散。文章奪命竟難知。奇窮何故斯人萃。欲問蒼天讀楚辭。

題楊竹書吟紅小院遺稿卽東尊甫也耕先生

阿連遺稿傷心讀。謂竹君舍弟又讀君家愛子詩。底事曇花俱一現。人間不許住多時。

演古謠辭詠史十首

千里艸

千里艸。何青青。長安北風吹血腥。社稷邱墟由此子。何進當年實禍始。殺宦官一獄吏耳。

黃金車

黃金車。班蘭耳。闔閭門出天子。卓哉魯子敬。不與漢爭與魏競。呂蒙見小吞荊州。反令西蜀成仇讐。稱藩

魏室何其羞。君不見邢貞傲。脫坐車上。都亭曾泣徐文壽。

青頭雞

青頭雞不敢啼。一元告廟歸簿齋。殺李豐。誅張綱。艸艸中宮先廢立。鯢鱓當年華子魚。複壁曾牽皇后出。

吹黃沙

南風獵獵吹黃沙。前至三月滅女家。城南小吏到天上。至尊方聽官私蛙。三網淪。九法絕。太后截髮自稱妾。馮紉荀勗真織兒。別酒一杯傾社稷。

秦川中

秦川中。血沒腕。惟有涼州倚柱觀。中原逐鹿紛紛起。晉室皇綱僅存此。張涼州。真名士。

東海魚

東海魚。化爲龍。女作貴人男作公。滅燕滅涼成大業。入五將。不得出。鳳皇誰放宮中飛。莫怨鮮卑兒負德。

白符鳩

可憐白符鳩。枉殺檀江州。舟中怪鳥鳴歌歌。更無人唱量沙籌。經略中原仗吳子。佛狸戎馬來何駛。道濟若在豈至此。

石頭城

可憐石頭城。甘爲袁粲死。不作褚淵生。彥回亦名士。披猖乃至此。恤身家。保妻子。作中書郎何不死。

閱武堂

閱武堂種楊柳。至尊屠肉妃酤酒。雍州士馬來何遲。早備黃綢裹汝首。兩斛胡椒數十棺。乃公殺人太辣手。

壽陽來

青絲白馬壽陽來。建康城門一夕開。淨居索蜜聲何哀。咄哉湘東王。擁兵不見賊。同室操戈鬪叔姪。不畏長鯨畏短狐。遂令御牀坐跛奴。

題吳玉松太守五同年餞春圖冊

霓裳同詠憶當年。白髮都成地上仙。五馬幾人歌政績。謂玉松太守一廬有客抱遺編。葉園先生額所居曰更羨陵蘭娛色養。菜衣猶染御爐烟。謂蘇人

吏隱同梅福。實嶠先生詩酒官閒擬鄭虔。湯十里芳塘即鑑湖。餞春相約倒銀壺。朱櫻碧筍酬佳節。綠水青山入畫圖。同是高情淡齋組。不須歸與說

菴鱸。二何當日曾棲隱。有此昇平歲月無。

重遊莫愁湖口占二絕

忽忽三年憶舊遊。垂楊又是冶城秋。瓜皮艇子雙橈疾。載酒重來訪莫愁。鬱金堂畔重徘徊。臨水軒窗次第開。空翠撲人濃欲染。清涼山色過湖來。

勞勞亭

千古銷魂地。驪駒此暫停。三杯故人酒。一角夕陽亭。秋水江湖白。春風楊柳青。人生慣離別。我亦幾回經。

金陵詠懷古蹟五首

石頭城

茫茫天塹畫坤輿。王氣銷沉百戰餘。白浪有聲排北固。青山無數控南徐。驚人創業誇分鼎。不少降王走傳車。莫道龍蟠兼虎踞。古來巖邑半邱墟。

桃葉渡

桃葉桃根豔綺羅。渡頭打槳發清歌。中朝門第瑯琊著。江左風流大令多。三月鶯花隨逝水。六朝金粉總空波。惟餘一片青谿月。猶照離人喚奈何。

雨花臺

花雨繽紛散佛場。靈光說法記蕭梁。緣添平等鋪金地。會啓無遮設素牀。塵世誰醒天棘夢。江花猶吐妙蓮香。踏殘碎石拖筇去。獨立平坡看夕陽。

胭脂井

望仙樓閣認模糊。尚有脂痕井畔汙。玉虎春寒驚曉夢。銅駝秋老泣平蕪。虜裁碧月懷江令。曲度紅牙憶佛奴。試向石欄閒徙倚。幾行疎柳亂啼烏。

莫愁湖

豔說盧家有莫愁，鬱金堂畔繫扁舟。撲衣濃翠山如染，臨水垂楊浪欲流。不見玳梁橫夜月，尚餘海燕拂簾鈎。等閒同是滄桑劫，贏得殘棋一角樓。

秦淮水榭偶作

青溪十里古淮河，桃葉春深喚奈何。明月畫欄窺淺笑，斜陽紈扇醉清歌。鶯花閱歷山川媚，金粉飄零感慨多。丁字簾前一回首，幾株老柳尚婆娑。

泊燕子磯因足疾不果登詩以排悶

我聞前人言，名山如典籍。展卷不厭頻，探討時有獲。四度遊金陵，危磯屢躡屐。何圖今年來，兩足忽相厄。結跏坐船頭，望望一水隔。孤亭立峯巔，邈焉在百尺。夕陽山半紅，江煙盪空碧。天風浩浩來，寒濤擊危石。同伴褰裳歸，對我誇嘖嘖。長嘯呼山靈，借我排風翮。安用蠟屐爲，飛騰絕行跡。驚起山寺僧，迎我舊遊客。

題吳小林蘆雁卷

小林六世祖吳公振字前明天啓時人。工畫蘆雁，與文文肅公交好。是卷有文肅及陸公士仁杜公大綬題詩三絕，今畫已佚去。小林補圖之，因索詩焉。

斷執零落閱滄桑，諸老題詩各擅場。珍重當年舊鴻爪，幾行秋影翰蕭湘。

藥圃而今剩廢阡，名賢遺蹟竟蕭然。披圖別有無端倪，難得風流異代傳。

文肅公藥圃在城西寶林寺後今廢。

題王竹齋丕烈西湖醉月圖卽用其原唱韻

一隄煙柳晚蕭蕭。醉倚疏篷過斷橋。絕勝秦淮燈月裏。家家絃管沸清宵。時寓蘇州水樹
曾讀秋桑好句來。君有秋桑詩披圖吟罷更徘徊。何當共坐瓜皮艇。去訪孤山萬樹梅。

題陸松濤雲山攬勝圖

向平遊五岳。必待婚嫁畢。少文癩登臨。臥遊在一室。嘗笑此二子。於計未爲得。陸君淡蕩人。煙霞成痼疾。
江南多好山。登覽無虛日。蹤跡閒如雲。一筇兼一笠。示我攬勝圖。仙境繪奇筆。僕亦好山水。苦無濟勝力。
他日蠟屐來。君其爲我率。倘遇桃花源。會須把臂入。

題停琴佇月圖

遙夕發清興。素琴橫綠苔。流雲自舒卷。華月故徘徊。林下嵇中散。松間褚彥回。寥寥古人意。眞賞問誰來。
華山老桂歌同吳大侶棠作

我聞華山之桂。歷年久柯如青銅。根如斗。高枝上出撐青天。旁覆清陰及數畝。夙昔夢想不得見。生近名
區。呼負負。今年挈伴登華山。直向蓮花峰頂走。翠巖古寺藏雲坳。宸翰輝煌篆峽嶼。入門黃雪撲面飛。老
僧問客聞香否。叢生桂樹七八株。中有一株獨枯朽。奇醜偃蹇可數圍。半樹無花半樹有。所聞老桂卽此
株。果是靈根老無偶。古香究與尋常殊。枯樹著花態無醜。奈何造物不寶貴。竟使摧殘等蒲柳。想來枯苑
原無心。材大非關囊駝手。未必他年不更榮。好留後約訪仙友。休言一見遜百聞。快向花前酌椰酒。

由華山越嶺至仰天山訪無隱禪寺

鳥道行盤紆危岡亂石碎。聳身入雲際。夕陽閃鴉背。俯視千丈深。攀蘿手爲痲。苦無濟勝具。未免踟躕態。同行二三子。竟欲返身退。登高古所訶。諄諄爲我誨。我但搖手言。勉強盡姑再。譬如讀毒書。有疑固須耐。但能著腳牢。何必生懊悔。我見平地行。覆車凡幾輩。衆亦姑點頭。笑我強詞對。徑轉喜稍平。老樹忽然礙。遙聞清磬聲。鬱鬱叢林內。

丹陽道中同俞四少甫作

行盡蘭陵抵潤州。曲河高岸滯行舟。斜陽漁艇初收網。臨水人家正飯牛。北府軍聲思往事。南徐山色又清秋。白門此去無多路。蠟屐安排續舊遊。

月夜渡揚子江和少甫韻

客程行未已。一棹放江干。月白波光淨。秋高露氣寒。山圍京口壯。潮接海門寬。不盡蒼茫意。詩成夜已闌。

新河道中用少甫韻

布帆安穩渡江行。隔斷長隄浪更平。陡覺船頭濃翠滿。好山無數不知名。
森森江天起暮霞。板橋疎柳點歸鴉。溪山如此堪圖取。要倩倪迂老畫家。
少甫工畫喜
畫雲林故云。

吳大侶棠因病未赴金陵秋試寓中寄懷卽效其體並柬少甫

已彈錦瑟感華年。如此沉淪倍可憐。雲髻不梳妝鏡闌。藥爐紅近繡牀前。